

1533

146

# QVÆSTIO MEDICA

CARDINALITIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 17. Martij.

M. PETRO LE MERCIER, Doctore Medico, Præside.

*Potest-ne infans per plures annos in utero matris ejusque  
tubis sanâ superflite muliere conservari?*

I.

**S**I usquam ineffabilis longæque nostrâ cogitatione profundior ipsa per se naturæ sagacis operatio tot fermè edidit miracula quot opera, in homine præsertim orbis compendio, cæteris animalibus divinius quidpiam fortito, rebus universis meliori, Deoque potestate simili & admirationem omnem superante, illud observare est, dum fœtus conformatur; cujus causa princeps anima, quæ intermediis spiritibus architectatur sibi domicilium functionibus obeundis accommodatum: Huic opitulatur laudabilis uteri & seminis utriusque parentis ad perfectam conceptionem *in excelsis*. Ille virile semen attrahit, fœmineo permiscet, utrumque retinet & suscitatur nativo calore & insitâ proprietate. Conceptione peractâ, cessat ab opere, & vim agendi totam, delineandi, conformandi, nutriendi, augendi, fœtui relinquit. A vernaculâ istâ proprietate si desciverit, & alienum asciscat calorem, aut nullum, aut depravatum, vitiosumve conceptum expecta.

I I.

**V**T semper aliquid novi fert Africa, sic & muliebris uterus: Dum id quod vult & intendit non valet perficere, ne nihil agat, agit id quod potest. Hinc illegitimi fœtus & aberrantis naturæ *maxime aliorum* & ludibria (dum suo frustratur sine corrupto quodam principio) & tot ferè monstrorum differentiar, (quæ intendit illa multifariam in specie, sexu, effigie) quot generationis causæ. Agens, vis est formatrix aut fortis imaginatio, & calor: locus conceptionis ceu perversio uteri & prava conformatio, depravata figuræ causæ: Materies, seminis redundantia, inopia. Totum hoc admirandæ conformationis opus in quatuor distin-

xit benigna illa hominis parens tempora , γυνὴ, κύμα, ἑμεῖον, πῶλον, tanto scilicet ad perfectionem divini istius animalis pleni rationis & consilij opus fuit intervallo ! in cujus delineandis, secernendis, & conformandis partibus, imò & membranis quæ puellum separant ab utero, venis arteriisque, quibus solis fœtus cum fœtâ jungitur, loco minùs idoneo effingendis extendendisque ita sæpe aberrat, ut infans, quamvis absolutissimus præfinito tempore, ( licet præviis omnibus signis crudeles molestæ gestationis dolores comitantibus ) foras extrudi non valeat, & in prægnantis utero per plures annos sanâ superstite fœminâ conservetur absque putredine.

## I I I.

**P**RÆCLARISSIMA vis procreatrix ingenerata femini, sive anima ipsa sit, sive vis quædam animæ vicaria, singulari planèque admirabili proprietate excitata, in corpore fingendo perpoliendoque occupatur ; ipse interim, alterius animalis loco habendus & immortalitatis flagrans desiderio, semen tam avidè expetit, ut ei suis penè convulsus sedibus obviam prodeat ; exceptum id gremio mollito & subactò studiosissimè recondat, si præsertim adhuc madet menstrui sanguinis reliquiis non multò antè profusi nec exiguâ agendi virtute præditi, ex coque vim generatricem sopitam & fœmè sepultam eliciat exstimuletque ad suscipiendum conformationis opus. Tunc instar boni & liberalis parentis undique conquirat & parat fœtui necessaria vitæ subsidia, sanguinem illumque uberrimum ex venis haustum, vitalem spiritum & calorem vimque omnem aëris temperando caloris insiti fervori accommodatam, ex arteriis, quibus perfunditur quamplurimis, ad eundem transmittit. Cùm primùm verò fœtus satis virium est adeptus ad vitam suis auspiciis agendam, tum vis retentrix munus intermittit suum, ipsaque adeò provida parens natura facultati expultrici partes mandat illius abigendi excutiendique. Sed proh dolor ! quamvis mater in partûs negotio partes præcipuas sibi videatur vindicare ( est enim is actio facultatis expultrici utero inditæ quâ ille conatur fœtum excludere se sequere expedire onere molestissimo ) & nono graviditatis mense summo impetu in hoc opus incubuerit solitos parturientis cruciatus perpesa, omnibus corporis partibus in id conspirantibus & pro se quibuscunque conitentibus partum promovere, irritus tamen remansit omnis illius conatus, & per annos sexdecim & amplius restitit fœtus in utero.

## I V.

**E**lateribus uteri duo assurgunt cornua (neoterici tubas appellant) ex iisdem tunicis confecta, per quæ totidem venæ & arteriæ à spermaticis descendibus disseminantur. Illa semen è matris testibus elaboratum excipiunt, & in coitu titillante libidine id ipsum non tantùm in uteri capacitatem ejaculantur, verùm etiam illud aliquando in sinu suo recondunt & permiscunt virili semini, ad quod prolectandum, ob ejus

ipsis ingenitam cupiditatem, in amplexibus venereis obviam procedere sensit mulier. Sicque conceptus etiam organa esse possunt, partus nunquam. Ea quippe, non secus ac vulva, tantâ interdum aviditate paternum semen attrahunt, attractum tam arctè concipiunt, ut nulla sit sinûs interioris tubarum pars etiam remotissima cui non inrimè adhærescat, cum illud exactè complectantur. Nec ulla natura solers tubis valvas apposuit, quæ seminis virilis in earum concava appulsus prohibeant. Sic vitile semen muliebri (quod etiam illius suave pabulum est) permisce-ri, & in intimos tubarum sinus influere non impediunt ad aperta tubarum oscula; nec quominus hominis opificium ex utriusque parentis semine masculæo fœmineo (in quibus vis conformationis præcipua recondita est) in labyrinthis tubarum implexibus coërcito perficiatur. Nec etiam conceptum illud idem semen extimâ sui parte ab eximio ambientis loci calore exsiccata, crustæ instar, membranâ undiquaque obducatur *œlia* dictâ, in quâ fœtus *p. v. v. v.* posita est, unde vasa quæ umbilicus complectitur amplo foramine à fœtu ad uterum & acetabula pervia sanguinem ad fœtûs ortum & nutritionem distribuunt, & innumeras venarum arteriarumque propagines, quarum extrema orificia tubæ vasorum acetabulis annexa, cotyledonas (quæ etiam in muliebri utero deprehenduntur) producant; & per vasorum umbilicalium tenuissimas distributiones (in quibus etiam placenta veteribus non ignota concrevit) sanguinem & spiritum vitalem uteri tubæ, gignendo alendoque fœtui suppeditant, quibus, exsuscitandæ genituræ, calorisque temperandi, vis à naturâ impressa conceptionis opus absolvit, quod alias, solutis acetabulis per quæ fœtus alimentum capescebat, miserrimè interrumpitur.

## V.

**M**V L I E R I, temperamenti sanguinei, boni & laudabilis corporis habitûs, florentis ætatis, tam blandos amoris stimulos admovit natura, ut, dum perennitati sibi conciliandæ studio ducitur, vulva vitile semen tam avidè expetat, admissum id in fundum usque, imò & aliquando in sinus suos ultimos undique complectendo recondat, & privatâ dote exsuscitet & ad agendum impellat vim procreatricem. At proh dolor! effrenis amoris nec immeritæ voluptatis pœnas luit, dum parturit. Sanguinis, cujus nimium prodiga fuit in conceptu, copiâ suffocatur in partu; aut nisi pariat, (quod ipsis tubis à naturâ denegatum) cæso extinctæ matris utero, pro lauro cupressus, non alio triumphare concedit in curru quàm in pheretetro. Quindennis & sexdecennis fœtus diù sepultus in lucem editur postquam mortuus, maternæque funeratus in alvo, non habet unde ab utero transferatur ad tumulum. A morte accepit, quod hætenus omnes à vitâ, ut loqueretur; quæ nec vagiit nec balbutiit unquam infans fœmina, in parente novercam nacta, fari docuit. Medicos & Philosophos, quorum sermone etiamnum muta loquitur.

Adco ratum est fœminam esse & tacere! Morte ipsâ, quæ rerum omnium silentium est, clamorior facta, contentionem movit & adhuc mover inter eruditos. Habent sic à fœminâ quod sapiant Philosophi, à quâ habuerant quod desiperent; habent & ab eâ unde sanam mentem assumant Medici, à quâ habuerant mortales omnes unde dementarentur. Quomodo & quamdiu vixerit matris in sinu, sacramentum est. Non ultra nonum mensem traxisse vitam volunt aliqui: ad sexdecim annos vixisse contendunt alij, non tamen crevisse supra fœtus ordinarij magnitudinem, sed falsi, serosi ac nitrosi humoris opê, subcrocei & minimè grave olentis à corruptione servatam fuisse, quo ad libras circiter sexdecim educto, apertis scapello integumentis, visendam se præbuit nullis testâ involucris. Matrem verò intra sanitatis limites, sed imperfectè lubricèque, mediocri contrariorum usu: quotidianis exercitiis: victu tenui & aperiente: motione corporis: purgatione frequenti per hydragoga naturam irritante: sanguinis missione tum ex cubito tum ex malleolo ad menses provocandos, & cathartici convenientibus ex arte præscriptis adjutam: fluentibus ex ordine (in parvâ tamen quantitate) menstruis sensim convalescentem: in dies intumescente alvo cum incredibili totius abdominis distentione, annum tandem ætatis quinquagesimum quartum agentem, lenâ febre cum diarrhæâ diù confictatam, die mensis Iunij vigesimâ octavâ anni millesimi sexcentissimi sexagesimi primi diem clausisse extremum. Desinite, ô dolanz cives nimium subdolz? popularium nostrarum novimestre gestationis tempus excurrere ad decimum aut undecimum, quod longius est, (imò ad decimum tertium) subsannare, in quibus gentilitium in posterum sit futurum, quidecennes fœtus, imò sexdecennes & ampliùs velut sepultos, natos nunquam, & matricidas, in utero & illius tubis gestitare.

*Ergo potest infans per plures annos in utero matris ejusque tubis, sanâ superstite muliere, conservari.*

Proponebat Lutetiæ MICHAEL POINSSART,  
Catalanæus, A. R. S. H. M. DC. LXVII.

---

PARISIIS,

Ex Typographia FRANCISCI MUGUET, Regis ac  
Illustris. Archiepiscopi Paris. Typographi.